

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06.), člana 6. Statutarne odluke o organizaciji Grada Tuzla u skladu sa Zakonom o Gradu Tuzla „Službeni glasnik Grada Tuzla“, broj 1/14., 3/15., 7/15. i 12/15.), člana 26. Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.) i člana 1. Odluke o obuci vijećnika Gradskog vijeća Tuzla („Službeni glasnik Grada Tuzla“, broj 9/17.) Gradsko vijeće Tuzla, na sjednici od 31. 10. 2017. godine, donosi

**ODLUKU**  
**o izmjenama i dopunama Kodeksa ponašanja vijećnika u Općinskom vijeću Tuzla**

**Član I**

Naziv Kodeksa ponašanja vijećnika u Općinskom vijeću Tuzla („Službeni glasnik Općine Tuzla“, broj 3/12. i 7/14.) (u daljem tekstu: Kodeks) mijenja se i glasi „Kodeks ponašanja vijećnika u Gradskom vijeću Tuzla“.

**Član II**

U članu 6. Kodeksa iza stava 1. dodaje se novi stav 2., koji glasi:  
„Vijećnici su dužni obučavati se radi svog informisanja, upoznavanja sa najvažnijim aspektima sistema lokalne samouprave i ključnim elementima njegovog funkcionisanja kao i radi kontinuiranog i stručnog usavršavanja za donošenje odluka putem parlamentarne procedure.“

Dosadašnji stavovi 2., 3. i 4. postaju stavovi 3., 4. i 5.

**Član III**

U cijelom tekstu Kodeksa, u odgovarajućem padežu, riječi „Općinsko vijeće Tuzla“ zamjenjuju se riječima „Gradsko vijeće Tuzla“, riječi „Općina Tuzla“ zamjenjuju se riječima „Grad Tuzla“ a riječi „Stručna služba Vijeća“ zamjenjuju se riječima „Stručna služba Gradskog vijeća“.

**Član IV**

Ovlašćuje se Komisija za statutarna pitanja i propise da, u roku od 60 dana od dana stupanja na snagu ove Odluke, pripremi prečišćeni tekst Kodeksa i uputi ga Gradskom vijeću Tuzla na utvrđivanje.

**Član V**

Odluka stupa na snagu danom objavljivanja u „Službenom glasniku Grada Tuzla“.

**BOSNA I HERCEGOVINA**  
**Federacija Bosne i Hercegovine**  
**Tuzlanski kanton**  
**GRAD TUZLA**  
**Gradsko vijeće**  
**Broj:01-05-10243-2017**  
**Tuzla, 31. 10. 2017. godine**

**PREDSJEDAVAJUĆI**

\_\_\_\_\_  
**Dr. med. sci. Aleksandar Vujadinović**

## Obrazloženje

### Pravni osnov za donošenje ove Odluke

Pravni osnov za donošenje ove Odluke su odredbe člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06.), člana 6. Statutarne odluke o organizaciji Grada Tuzla u skladu sa Zakonom o Gradu Tuzla „Službeni glasnik Grada Tuzla“, broj 1/14., 3/15., 7/15. i 12/15.) i člana 26. Statuta Općine Tuzla („Službeni glasnik Općine Tuzla“, broj 2/99., 9/00., 2/08. i 12/09.) kojima su definisane nadležnosti gradskog vijeća kao organa odlučivanja jedinice lokalne samouprave te odredbe člana 1. Odluke o obuci vijećnika Gradskog vijeća Tuzla („Službeni glasnik Grada Tuzla“, broj 9/17.) kojom je utvrđena obavezna obuka vijećnika Gradskog vijeća Tuzla, radi njihovog informisanja, upoznavanja sa najvažnijim aspektima sistema lokalne samouprave i ključnim elementima njegovog funkcionisanja kao i radi kontinuiranog i stručnog usavršavanja za donošenje odluka putem parlamentarne procedure.

### Razlozi za donošenje Odluke

- usklađivanje Kodeksa ponašanja vijećnika Općinskog vijeća Tuzla sa Odlukom o obuci vijećnika Gradskog vijeća Tuzla („Službeni glasnik Grada Tuzla“, broj 9/17.);
- terminološke izmjene radi usklađivanja Kodeksa sa Zakonom o Gradu Tuzla („Službene novine Federacije Bosne i Hercegovine“, broj 80/14.) i Statutarnom odlukom o organizaciji Grada Tuzla u skladu sa Zakonom o Gradu Tuzla „Službeni glasnik Grada Tuzla“, broj 1/14., 3/15., 7/15. i 12/15.) na način da se u nazivu i tekstu Kodeksa, riječi „Općinsko vijeće Tuzla“ zamjene riječima „Gradsko vijeće Tuzla“, riječi „Općina Tuzla“ zamjene riječima „Grad Tuzla“ a riječi „Stručna služba Vijeća“ zamjene riječima „Stručna služba Gradskog vijeća“;
- potreba da se novoizabrani vijećnici, koji preuzmu mandat nakon održanih lokalnih izbora obuče, radi njihovog informisanja, upoznavanja sa najvažnijim aspektima sistema lokalne samouprave i ključnim elementima njegovog funkcionisanja kao i radi kontinuiranog i stručnog usavršavanja za donošenje odluka putem parlamentarne procedure, naročito imajući u vidu činjenicu da u saziv Gradskog vijeća Tuzla bude izabran jedan dio vijećnika kojima je to prvi mandat u Gradskom vijeću Tuzla;
- preporuka iz Izvještaja o procjeni učinka na polju dobre prakse, urađenog u okviru MEG projekta, kojeg provodi UNDP, uz finansijsku podršku Vlade Švicarske.

### Finansijska sredstva za realizaciju ove Odluke

Nisu potrebna dodatna finansijska sredstva za realizaciju ove Odluke.

**OBRAĐIVAČ**  
Stručna služba Gradskog vijeća

**PREDLAGAČ**  
Kolegij Gradskog vijeća